

Vijeće fakulteta
- web. str. fakulteta

30. 08. 2021

UNIVERZITET U SARAJEVU
ŠUMARSKI FAKULTET

Broj: 01/1-2087/21

Datum: 17. 08. 2021 god.

Komisija za pripremu prijedloga za izbor asistenta za naučnu oblast: „Uzgajanje šuma i urbanog zelenila“ na Šumarskom fakultetu Univerziteta u Sarajevu

Datum: 16. 08. 2021.

Vijeću Šumarskog fakulteta Univerziteta u Sarajevu

O v d j e

Na osnovu člana 103. Zakona o visokom obrazovanju („Službene novine Kantona Sarajevo“ broj: 33/17), člana 201. i 202. Statuta Univerziteta u Sarajevu (broj: 01-1093-3-1/18 od 28. 11. 2018. godine), prijedloga Vijeća Šumarskog fakulteta (broj: 01/6-2982/20 od 30. 10. 2020. godine), saglasnosti Senata Univerziteta (broj: 01-2-55/21 od 24. 02. 2021. godine), te Odluke Vlade Kantona Sarajevo (broj: 02-04-21050-29/21 od 12. 05. 2021. godine), raspisan je konkurs za izbor asistenta za naučnu oblast: „Uzgajanje šuma i urbanog zelenila“ koji je objavljen 22. 06. 2021. godine u dnevnom listu „Nezavisne novine“ i na web-stranicama Univerziteta u Sarajevu i Šumarskog fakulteta Univerziteta u Sarajevu. Konkurs je bio otvoren 15 dana od dana objavljivanja.

Odlukom Vijeća Šumarskog fakulteta Univerziteta u Sarajevu (broj: 01/6-1994/21. od 19. 07. 2021. godine) imenovana je Komisija za pripremu prijedloga za izbor asistenta za naučnu oblast: „Uzgajanje šuma i urbanog zelenila“ na Šumarskom fakultetu Univerziteta u Sarajevu u sastavu:

1. Dr. sci. Ćemal Višnjić, redovni profesor Šumarskog fakulteta Univerziteta u Sarajevu, naučna oblast: Uzgajanje šuma i urbanog zelenila - predsjednik Komisije,
2. Dr. sci. Dalibor Ballian, redovni profesor Šumarskog fakulteta u Sarajevu na nastavnim predmetima: Genetika sa oplemenjivanjem šumskog drveća, Genetika sa oplemenjivanjem biljaka, Šumarska genetika, Genetika šumskog drveća, Genetika u hortikulturi, Oplemenjivanje drveća i grmlja, Oplemenjivanje drveća i grmlja u hortikulturi, Genetička raznolikost šumskog drveća i Genetička raznolikost šumskog drveća i grmlja, naučna oblast: Uzgajanje šuma i urbanog zelenila - član Komisije,
3. Dr. sci. Sead Ivojević, docent Šumarskog fakulteta Univerziteta u Sarajevu, naučna oblast: Uzgajanje šuma i urbanog zelenila - član Komisije.

Komisija je pregledala prispjele prijave o čemu podnosi sljedeći

IZVJEŠTAJ

1. Podaci o prispjelim prijavama

Na konkurs za prijem asistenta za naučnu oblast: „Uzgajanje šuma i urbanog zelenila“ na Šumarskom fakultetu Univerziteta u Sarajevu, blagovremeno su pristigle dvije prijave i to:

1. Mehmed Čilaš, Mr šumarstva, (prijava broj: 01/1-1754/21).
2. [REDACTED] dipl. ing. hortikulture, (prijava broj: 01/1-1833/21).

Na osnovu Izvještaja Sekretara Šumarskog fakulteta Univerziteta u Sarajevu (br: 01/4-1919/21 od 19. 07.2021) te uvidom u dokumentaciju prijavljenih kandidata utvrđeno je sljedeće:

Kandidat Čilaš Mehmed, Mr šumarstva, predao je prijavu koja je potpuna i u skladu sa uvjetima utvrđenim Konkursom.

Kandidatkinja [REDACTED] dipl. ing. hortikulture, je predala dokumentaciju koja nije potpuna tj. nije sadržavala prijavu na Konkurs. Na osnovu navedenog prijava kandidatkinje [REDACTED], dipl. ing. hortikulture, je odbačena kao nepotpuna i nije uzeta u dalje razmatranje.

2. Karakteristike kandidata Mehmeda Čilaša, Mr šumarstva

Kandidat Mehmed Čilaš, Mr šumarstva, rođen je 10. 09. 1996. godine u Fojnici. Osnovnu i srednju školu završio je u Fojnici. Na Šumarski fakultet Univerziteta u Sarajevu upisao se školske 2015./2016. godine. Prvi cilus studija na Šumarskom fakultetu Univerziteta u Sarajevu je završio 21. 09. 2018. godine odbranom završnog rada na temu „Proizvodnja sjemena i sadnog materijala jele u FBiH“.

Za ostvareni uspjeh tokom I ciklusa studija, sa prosjekom ocjena 8.79, dobio je Povelju Univerziteta u Sarajevu za najboljeg studenta I ciklusa studija Šumarskog fakulteta Univerziteta u Sarajevu kao i Pohvalu Vijeća Šumarskog fakulteta Univerziteta u Sarajevu za ostvarene izvanredne rezultate u savladavanju nastavnog procesa na I ciklusu studija.

Zvanje Magistar šumarstva stekao je 19. 02. 2021. godine odbranom završnog rada na temu „Analiza stanja šumskih kultura u GJ 'Prokos – Fojnica' odjeljenje 103“. Na II ciklusu studija postigao je prosjek ocjena 9,52.

Na osnovu uspjeha ostvarenog na II ciklusu studija na Šumarskom fakultetu Univerziteta u Sarajevu Kandidat je ispunio uvjete za dodjelu Srebrene značke Univerziteta u Sarajevu (član 4. Pravilnika o priznanjima i nagradama Univerziteta u Sarajevu broj: 01-38-2828/14 od 16. 07. 2014. godine).

Nakon završenog studija, od marta 2021. do juna 2021. godine radio je u firmi „CaDa Solucije doo Sarajevo“ na poslovima agenta na servisu/podrška kupcima za njemačko govorno područje.

Kandidat odlično vlada njemačkim jezikom a služi se engleskim jezikom. Koristi se softverskim aplikacijama: QGIS, SAGA, GIS, SNAP, Locus GIS, Mobile Topography, AlpineQuest. Kandidat posjeduje vozačku dozvolu B kategorije.

Pored završnih radova I i II ciklusa studija kandidat Mehmed Čilaš, Mr šumarstva, je autor i naučnog rada:

Crnac, S., Čilaš, M., Čabaravdić, A., Starčević, M. (2019): Identification of the early spring forest fire in the hornbeam coppice stand based on sentinel S2A spectral indices. Book of abstracts, 5th International Conference on Environmental Science and technology (IOEST), Sarajevo, 09.-13. oktobar, str. 42.

3. Zaključak sa prijedlogom Komisije

Analizom dokumentacije iz prijave na Konkurs, Mehmeda Čilaša, Mr šumarstva, utvrđeno je da Kandidat ispunjava uslove predviđene Zakonom o visokom obrazovanju Kantona Sarajevo (Službene novine Kantona Sarajevo 33/17, član 96. Zakona) za prijem saradnika u nastavno-naučno zvanje asistent (najmanja prosječna ocjena 8,0 ili 3,5 i 300 ECTS). Daljom analizom biografskih podataka Kandidata, njegovog obrazovanja na I i II ciklusu studija, poznavanju stranih jezika, i ostalih vještina i kompetencija koje posjeduje, Komisija jednoglasno zaključuje da je kandidat Mehmed Čilaš, Mr šumarstva, tokom svog obrazovanja stekao vještine i kompetencije za mjesto saradnika u nastavno-naučno zvanje asistent za naučnu oblast: „Uzgajanje šuma i urbanog zelenila“ na Šumarskom fakultetu Univerziteta u Sarajevu

Na osnovu gore navedenih činjenica Komisija ima čast i zadovoljstvo da predlaži Vijeću Fakulteta da se u nastavno-naučno zvanje asistent za naučnu oblast: „Uzgajanje šuma i urbanog zelenila“ na Šumarskom fakultetu Univerziteta u Sarajevu izabere kandidat Mehmed Čilaš, Mr šumarstva, i time omogući završetak zakonske procedure.

Članovi Komisije:


Prof. Dr. sci. Čemal Višnjić, predsjednik


Prof. Dr. sci. Dalibor Ballian, član


Doc. Dr. sci. Sead Ivojević, član